



SRETAN PAS → SRETAN VLASNIK → SRETNA ZAJEDNICA



Dogs Trust do daljnjeg pokriva sve troškove obuke za vašeg psa



Prijavni obrazac je na www.dogstrust.ba, u većem broju veterinarskih klinika i na Veterinarskom fakultetu u Sarajevu




Prosječno trajanje obuke u kojoj obavezno učestvuje i vlasnik je 5 do 7 sedmica



Za što brži uspjeh u obuci Vašeg psa, najvažniji je redovan dolazak na časove



ŠKOLA ZA PSE



ŠKOLA ZA PSE

Uz podršku Predstavništva Fondacije Dogs Trust u BiH

Semizovac bb

iza pumpe Energopetrol



Predstavništvo Fondacije Dogs Trust u BiH
Gorica 61, 71000 Sarajevo, Bosna i Hercegovina
T 033 832 593 T 033 837 649 F 033 832 634
office@dogstrust.ba | www.dogstrust.ba



ŠKOLA ZA PSE

OBUKA ZA SVAKOG PSA!

Principi pozitivne motivacije za obuku pasa





ŠKOLA ZA PSE

Obuka za pse zasnovan na pozitivnoj motivaciji provode Dogs Trust certificirani treneri u Školi za pse. Predstavništvo Fondacije Dogs Trust u BiH do daljnjeg finansira sve aspekte treninga i održavanja terena kojih sada ima više, uključujući zatvorene terene koji su pogodni za obuku po svim klimatskim uvjetima!



Škola je sada na novoj lokaciji – Semizovac bb, sada i to sa dva, a uskoro i tri obučena instruktora, a ново radno vrijeme je od utorka do subote između 12:00 i 20:00 sati.

Koliko traje obuka pasa?

Obuka pasa vrši se jednom sedmično i traje između 5 do 7 sedmica, u zavisnosti od potrebe svakog individualnog psa, a što će procijeniti instruktor.

U koje se vrijeme tokom sedmice vrši obuka?

Obuka svakog psa vrši se od utorka do subote od 12:00 do 20:00 sati.

Kako se prijaviti za Školu za pse?

Prijavni obrazac nalazi se na našoj web stranici: www.dogstrust.ba/prijava-za-obuku-pasa/, a možete ga pronaći i u klinikama koje finansiramo u programu besplatne sterilizacije. Molimo Vas da obrazac popunite u potpunosti!

Koliko košta obuka?

Fondacija Dogs Trust do daljnjeg u potpunosti finansira stručnjaka/trenera te zakup poligona i ostale neophodne rekvizite.



Kada ću biti kontaktiran/a radi zakazivanja termina?

Nakon popunjavanja prijavnog obrasca bit ćete kontaktirani u roku od najviše sedam radnih dana. **NAPOMENA: Važno je da popunite sva polja u prijavnom obrascu!**

Koliko dugo ću čekati da dobijem termin?

Škola za pse sada ima dva instruktora za obuku pasa, a uskoro se planira i treći, tako da će vrijeme čekanja biti znatno skraćeno. Prijave se procesuiraju hronološki – prema vremenu kada su podnesene.

Gdje se nalazi Škola za pse i kako doći do nje?

Škola je od decembra 2016. godine na novoj lokaciji koja ima zatvorene i grijane terene pogodne za rad u svim klimatskim uvjetima, i to na adresi Semizovac bb, odmah ispod Energopetrol pumpe. Mapa koja će Vam pomoći da Školu pronađete brzo i lako je na poledini ove brošure.

Hoće li termin obuke biti pomjeren u slučaju lošeg vremena?

S obzirom na to da nova lokacija Škole ima zatvorene i grijane poligone, pomjerenje termina mogu prouzročiti samo ekstremni vremenski uvjeti. Bilo koje eventualno pomjerenje termina bit će Vam blagovremeno najavljeno.



PRINCIPI POZITIVNOG MOTIVIRANJA ZA OBUKU PASA

1

Kontrola problema putem kontrole sredine

Kada eliminiirate problem u ponašanju ili obučavate psa za novu vrstu ponašanja, kontrolisanje sredine je prioritet. Mnogi "okidači" problema u ponašanju psa dolaze iz sredine, naprimjer kada pas uzima hranu iz kante za smeće. U slučaju ovog problema, jednostavno postavljanje prepreke na kantu za smeće, čime bi se spriječio pristup kanti, ili njeno uklanjanje iz sredine u kojoj se pas nalazi, odmah će zaustaviti ovakvo ponašanje.

2

Ponašanje koje nagradite vjerovatno će se nastaviti

Psi rade sve ono što im se dozvoli, ono što "pali". Veća je vjerovatnoća da će pas sjesti kada mu to naredite ako je ranije dobio nagradu za to. Ovaj jednostavan princip ključan je dio obuke pasa zasnovane na nagrađivanju.

3

Ponašanje koje nije nagrađeno vjerovatno će postati rjeđe

Sjetite se da pas radi ono što "pali" da bi dobio nešto za sebe pa ako neko ponašanje nije nagrađeno, male su šanse da će se takvo ponašanje ponavljati.

4

Asocijacija je ključna komponenta u obuci

Kada obučavate svog psa, važno je da nagrada slijedi što je moguće brže nakon što se željeno ponašanje ostvari. Savjetuje se da se pas nagradi u roku od pola sekunde nakon što uradi zatraženo.

Naprimjer, kada učite svog psa da sjedne, nagradu bi trebalo da mu date istog momenta kada mu zadnji dio tijela dotakne pod. Ako ga nagradite prekasno, može "zaključiti" da zapravo nagrađujete to što stoji.

5

Usredotočite se na ponašanje koje želite i nagradite ga

Većina se nas usredotočuje na greške koje pas pravi, ali umjesto toga, mnogo je korisnije fokusirati se na ponašanje koje želimo dobiti i nagraditi ga. Uvijek se sjetite – pas radi sve što "pali" da dobije ono što on želi, pa ako vičemo na psa da bude tihi kada laje, a ignoriramo ga kada je tih, onda će pas misliti da ga za glasno lajanje nagrađujemo jer time dobija našu pažnju. Ako želite da pas bude tih i miran, uvijek ga nagradite kada je takav.

6

Nagradu bira pas, a ne trener

Procijeniti u čemu Vaš pas uživa također je dio procesa obuke.

Pas diktira šta je za njega nagrada, a ne onaj ko ga obučava. Nagrade mogu uključivati češkanje iza uha, verbalnu pohvalu, igru ganjanja i sl. Procijenite šta je to što Vaš pas voli i upravo to koristite kao nagradu.

7

Razmislite o obuci pomoću alternativnog ponašanja

Ponekad je ponašanje već previše dobro naučeno da ga je teško zaustaviti. U mnogo slučajeva kada želite određeno neželjeno ponašanje zaustaviti, dajte mu nešto drugo da radi, tj. naučite ga ponašanju koje je jednostavno nepovezivo s onim problematičnim. Ako, naprimjer, imate problem zato što Vaš pas skače na ljude, naučite psa komandama za sjedanje, koračanje dva koraka unazad i sl. i izdajte ove komande kada neželjeno ponašanje počne.

Da biste ovo što bolje uradili, napravite spisak ponašanja koja smatrate problematičnim, i pored svakog od njih napišite alternativno ponašanje kojem ćete ga naučiti, a koje želite da uradi umjesto problematičnog ponašanja. Kreativnost je ključ!



OBUKA PSA UČI DISCIPLINI I LJUBAZNOSTI

8

Kada obučavate svog psa, ne očekujte puno prebrzo

Za obuku psa potrebni su vrijeme, posvećenost i strpljenje. Da biste uspjeli u obuci, što više ponavljanja željenog ponašanja dovest će do toga da će ga pas brže i naučiti. Ovo će također ukloniti potrebu za ispravljanjem ponašanja, što je puno teže, i zauzvrat spriječiti frustraciju i trenera i psa.

9

Nikada nemojte prestati nagrađivati ponašanje koje želite da Vaš pas zadrži

Kada je neko ponašanje potpuno naučeno, ne biste trebali prestati s nagrađivanjem. Ovakvo ponašanje treba nastaviti nagrađivati na različite načine. Mnogi ljudi prestanu nagrađivati psa kada smatraju da je naučio neko ponašanje. Zamislite da Vas Vaš šef prestane plaćati za završene zadatke čim ih naučite raditi! Koliko biste dugo radili taj posao?

Obuka bi trebalo da bude ugodno iskustvo i za Vas i za Vašeg psa. Što bolje razumijete način na koji Vaš pas "razmišlja", komunicira i uči, obuka će biti efikasnija, a veza s Vašim psom jača.

